

J. MEYSMANS
WOLUWE-SAINT-PIERRE
BRUXELLES
(BELGIQUE)

Bruxelles, le 17 junio 1914

Honorato Domino Praesidente,

Ante aliquo dies me habe misso ad te probas de tuo vocabulario ab erot usque ad forma. Nunc me habe plus nihil ad corrige de tuo vocabulario. Non pote te esponat tuo typographos, pro que te pote mitte ad me novo probas.

Me age gratias ad te pro bonitate que te jam plure vice e habe de remitte ad me probas que me corrige et super que te circscribe aliquo observationes. Ce observationes, quamquam multo breve, es pro me multo interessante.

Sicut te habe sine dubio lecto in Revista de Basso, me es de novo nominato directore de Comitatu Linguistico. Me non es multo felice de ce nominatione, nam me praevide ~~me~~ i pote obtine nihil ab Comitatu, si te non vole participa ad votationes. In primo anno de Comitatu me e pote semper computa super votos favorabile de D^s Actis (mortuo) et Caerx (demissionario). Ce dominos votaba omne ce que me voleba et sic me poteba obtine majoritate de 6 volantes pro plurimo propositiones que me praesenta. Sed situatione es toto differente nunc. Novo socios, D^s Pinth et Phipson, non es tam facile ad duce.

Jamen, si me pote habe tuo votos et tuo consilios, me i tenta de duce Comitatu ad perfice et completa tuo systema linguistico. Sine tuo votos me pote fac nihil. Es impossibile de obtine majoritate de 6 volantes super 10, de que uno nunquam vota. An te non vole muka tuo attitudine. Si te non participa ad votationes, te i paralyze toto nostro labore et, post aliquo tempore, me es obligato de da meo dimissione ex Comitatu.

Te nunc publica Vocabulario, que es, sicut te e scribe ad me, vero solutione de problema de vocabulario. Si te vole, nos i tenta de duce Comitatu ad formula in aliquo propositiones ce bono solutione. Socios de Comitatu es bene disponento. Si nos praesenta ad illos bono argumentos et si nos fac senti ad illos que nos es convicto de bonitate de nostro propositiones, nos i

obtinere illorum adhaesione.

Me promitte ad te que me i fac omne ce que me
pote pro complacere ad te et pro realiza tuo ideas. Es tem-
pore que te loque et dic omne ce que te sci.

Me expecta tuo responso pro redige meo primo
circulari ad Comitatu.

Si te es concorde cum me, me vole invita Comitatu
ad revise tuo propositiones et, incipiente per initio, me i
proponere perfectionamento de propositiones concernente voca-
bulario.

In caso me remitte ad te textu de ce propositiones.
Te obliga me multo, si te vole dic ad me in quale modo nos
pote corrige illas. Me adde etiam nota in que me exprime
meo opinione concernente vocabulario. Te obliga me, si te
vole bene critica ce opinione.

Cum maximo reverentia me dic me

Tuo devotissimo,

J. Meyssner

Propositiones adoptatae
ab Comité Linguistico in 1912
concernente vocabulario

- I. Latino Internationale es lingua internationale fundata super Latino
II. Latino Internationale adopta omni vocabulo latino (in sensu lato) que vive in linguis modernis.

Es latino, in sensu lato, non solum vocabulos de latino scholastico (latino antiquo et graeco latinizato), sed omne vocabulo constructo cum elementis (non deformato) de latino scholastico.

- III. Paucos vocabulos necessario que non existe in latino vivente es extracto ex latino antiquo. In casu raro ubi latino defice, es adoptato vocabulo non latino commune ad maximum possibile numero de linguis modernis.